

四分律藏


籍

才五十四

三百卅四  
隨四

50109

21



13

Vertical seal impression containing Chinese characters, likely a collector's or library's mark.

四分律藏卷第五十四

姚秦三藏佛陁耶舍共竺佛念譯

第四分五百結集法三

尔時世尊在拘尸城末羅園娑羅林間般涅槃諸末羅子洗佛舍利已以淨劫貝裹復持五百張氈次而纏之作鐵棺盛滿香油安舍利置中以蓋覆上復作木槨安鐵棺著中下積衆香薪時末羅子中爲標首者持火炬然之時天即滅火餘大末羅子展轉皆以大炬然之時天亦皆滅之阿那律語末羅子不須乃尔疲苦諸天滅汝等火即問阿那律言大德諸天何故滅火荅言摩訶迦葉在波婆拘尸



城兩國中間在道行與大比丘衆五百人俱  
彼作是念我當得見未燒佛舍利不耶諸天  
知迦葉心如念以是故滅火未羅子言大  
德阿那律今便小停遂彼諸天意尔時摩訶  
迦葉在彼二國中間道行與大比丘僧五百  
人俱時有異尼捷子持卍尊般涅槃時曼陞  
羅華在道行時迦葉遙見而問言汝等從何  
所來彼荅言我從拘尸城來復問言識我卍  
尊不荅言識復問今故在卍不荅言不在卍  
般涅槃來已經七日我從彼持此華來時迦  
葉聞之不悅中有未離欲比丘聞卍尊已取  
涅槃便自投于地譬如斫樹根斷樹倒此諸

未離欲比丘亦復如是啼哭而言善逝涅槃  
何乃太早世間明眼何乃速滅我曹所宗之  
法何得便盡或有宛轉在地猶若圓木此諸  
未離欲比丘亦復如是啼哭憂惱而言善逝  
涅槃何乃太早今時有跋難陁釋子在衆中  
語諸比丘言長老且止莫大憂愁啼哭我等  
於彼摩呵羅邊得解脫彼在時數教我等是  
應是不應當作是不應作是我等今者便得  
自任欲作便作欲不作便不作時大迦葉聞  
之不悅即告諸比丘言且起疾捉衣鉢時往  
及世尊舍利未燒當得見諸比丘聞迦葉言  
即疾疾執持衣鉢於是大迦葉與五百人俱

往拘尸城已出城度醯蘭若河往天觀寺至  
阿難所語言阿難我欲及世尊舍利未燒見  
之阿難荅言欲及世尊舍利未燒而欲見之  
難可得見何以故世尊舍利已洗浴裹以新  
劫貝復以五百張氎次而纏之置在鐵棺盛  
滿香油著木槨中下積衆香薪今垂欲燒之  
是故難可得見時大迦葉漸前往佛舍利積  
所棺槨即自開世尊現足時大迦葉見世尊  
足下輪相垢汙即問阿難世尊顏容端正身  
作金色誰汙足下輪相阿難荅言大迦葉女  
人心輒前禮佛時泣淚墮上手捉汙世尊足  
大迦葉聞之不悅即禮世尊足比丘比丘尼

優婆塞優婆夷諸天大衆亦皆禮佛是時世  
尊足還內棺中不現時大迦葉哀歎說偈遶  
棺七帀火不燒自然時大迦葉燒舍利已以  
此因緣集比丘僧告言我先在道行時聞跋  
難陁語諸比丘作如是言長老且止莫復愁  
憂啼哭我等今於彼摩訶羅邊得解脫彼在  
世時教呵我等是應尔是不應尔應作是不  
應作是今我等已得自任欲作便作不作便  
不作我等今可共論法毗尼勿令外道以致  
餘言譏嫌沙門瞿曇法律若烟其世尊在時  
皆共學戒而今滅後無學戒者諸長老今可  
科差比丘多聞智慧是阿羅漢者時即差得

四百九十九人皆是阿羅漢多聞智慧者時  
諸比丘言應差阿難在數中大迦葉言勿以  
阿難在數中何以故阿難有愛恚怖癡有愛  
恚怖癡是故不應今在數中時諸比丘復言  
此阿難是供養佛人常隨佛行親從世尊受  
所教法彼必處處疑問世尊是故今者應令  
在數即便今在數諸比丘皆作是念我等當  
於何處集論法毗尼多饒飲食卧具無乏耶  
即皆言唯王舍城房舍飲食卧具衆多我等  
今宜可共往集彼論法毗尼時大迦葉即作  
白大德僧聽此諸比丘爲僧所差若僧時到  
僧忍聽僧今往王舍城集共論法毗尼白如

是作白已俱往毗舍離時阿難在道行靜處  
心自念言譬如新生犢子猶故飲乳與五百  
大牛共行我今亦如是學人有作者而與五  
百阿羅漢共行時諸長老皆往毗舍離阿難  
在毗舍離住諸比丘比丘尼優婆塞優婆夷  
國王大臣種種沙門外道皆來問訊多人衆  
集時有跋闍子比丘有大神力已得天眼知  
他心智作如是念今阿難在毗舍離比丘比  
丘尼優婆塞優婆夷國王大臣種種沙門外  
道皆來問訊多人衆集我今寧可觀察阿難  
爲是有欲無欲耶即便觀察阿難是有欲非  
是無欲復念言我今當令其生厭離心將欲

今阿難生厭離心即說偈言

靜任空樹下

心思於涅槃

坐禪莫放逸

多說何所作

時阿難聞跋闍子比丘說厭離已即便獨處  
精進不放逸寂然無亂是阿難未曾有法時  
阿難在露地敷繩牀夜多經行夜過明相欲

出時身疲極念言我今疲極寧可小坐念已  
即坐座已方欲偃卧頭未至枕頃於其中間  
心得無漏解脫此是阿難未曾有法時阿難  
得阿羅漢已即說偈言

多聞種種說

常供養世尊

已斷於生死

瞿曇今欲卧

時諸比丘從毗舍離往王舍城作如是言我等先當作何等爲當先治房舍卧具先論法毗尼耶皆言先當治房舍卧具即便治房卧具時大迦葉以此因緣集比丘僧中有陁醯羅迦葉作上座長老波婆那爲第二上座大迦葉爲第三上座長老周那爲第四上座時大迦葉知僧事即作白大德僧聽若僧時到僧忍聽僧今集論法毗尼白如是時阿難即從座起偏露右肩右膝著地合掌白大迦葉言我親從佛聞憶持佛語自今已去爲諸比丘捨雜碎戒迦葉問言阿難汝問世尊不何者是雜碎戒阿難荅言時我愁憂無賴失

不問世尊何者是雜碎戒時諸比丘皆言來  
我當語汝雜碎戒中或有言除四波羅夷餘  
者是雜碎戒或有言除四波羅夷十三事餘  
者皆是雜碎戒或有言除四波羅夷十三事  
二不定法餘者皆是雜碎戒或有言除四波  
羅夷十三事二不定法三十事餘者皆是雜  
碎戒或有言除四波羅夷乃至九十事餘者  
皆是雜碎戒時大迦葉告諸比丘言諸長老  
今者衆人言各不定不知何者是雜碎戒自  
今已去應共立制若佛先所不制今不應制  
佛先所制今不應却應隨佛所制而學時即  
共立如此制限

大迦葉語阿難言汝於佛法中先求度女人  
得突吉羅罪今應懺悔阿難荅言大德此非  
我故作摩訶波闍波提於佛有大恩佛母命  
過長養世尊大德迦葉我今於此不自見有  
罪以信大德故今應懺悔大迦葉復言汝令  
世尊三反請汝作供養人而言不作得突吉  
羅罪今當懺悔阿難荅迦葉言我不故作爲  
佛作供養人難是故言不能耳我於此中不  
自見有罪以信大德故今當懺悔迦葉復言  
汝爲佛縫僧伽梨脚躡而縫得突吉羅罪今  
應懺悔阿難荅言大德迦葉非我慢而故作  
更無人捉故尔我於此不自見有罪信大德

故今當懺悔迦葉復言世尊欲取涅槃三反  
告汝汝不請世尊任世若一劫若過一劫令  
無數人得利益慈愍世間諸天人民令得安  
樂汝得突吉羅罪今應懺悔阿難荅言大德  
迦葉非我故作魔在我心令我不請佛任世  
我於此中不自見有罪信大德故今當懺悔  
迦葉復言世尊在時從汝索水汝不與得突  
吉羅罪今應懺悔阿難荅言非我故作時有  
五百乘車從水中過其水垢濁恐世尊飲之  
作患是故不與迦葉復言汝但應與若佛威  
神或復諸天能令水清淨阿難言我於此中不  
自見有罪信大德故今當懺悔迦葉復言汝

不問世尊何者是雜碎戒得突吉羅罪今應  
懺悔阿難言我非故作時我愁憂無賴失不  
問世尊何者是雜碎戒我於此中不自見有  
罪信大德故今當懺悔迦葉復言汝不遮女  
人令汗佛足得突吉羅罪今應懺悔阿難荅  
言非我故作女人心軟禮佛足時泣淚手汗  
佛足我於此中不自見有罪信大德故今當  
懺悔時大迦葉即作白言大德僧聽若僧時  
到僧忍聽僧今問優波離法毗尼白如是時  
優波離即作白大德僧聽若僧時到僧忍聽  
僧今令上座大迦葉問我荅白如是時大迦  
葉即問言第一波羅夷本起何處誰先犯優

波離荅言在毗舍離須提那迦蘭陀子初犯  
第二復本起何處荅言在王舍城陀尼伽比丘  
陶師子初犯復問第三本起何處荅言在毗  
舍離婆婁裘河邊比丘初犯復問第四本起何  
處荅言在毗舍離婆婁裘河邊比丘初犯復問  
第一僧殘本起何處荅言在舍衛國迦留陀  
夷初犯如是展轉隨所起處如初分說復問  
第一不定法本起何處荅言在舍衛國迦留  
陀夷初犯第二亦尔復問尼薩耆本起何處  
荅言在舍衛國六群比丘初犯如是展轉亦  
如初分說復問初波逸提本起何處荅言在  
釋翅瘦象力釋子比丘初犯如是展轉如初

分說復問波羅提提舍尼本起何處荅言在  
舍衛國蓮華色比丘尼起第二第三第四如  
初分說復問第一衆學法本起何處荅言在  
舍衛國六群比丘初犯如是展轉如初分說  
比丘尼別戒如律所說復問最初聽受大戒  
本起何處荅言在波羅柰五比丘復問最初  
聽說戒在何處荅言在王舍城為諸少年比  
丘復問初聽安居本起何處荅言在舍衛國  
因六群比丘起復問初自恣本起何處荅言  
在舍衛國因六群比丘起如是展轉問乃至  
毗尼增一時彼即集比丘一切事并在一處  
為比丘律比丘尼事并在一處為比丘尼律

一切受戒法集一處為受戒捷度一切布薩  
法集一處為布薩捷度一切安居法集一處  
為安居捷度一切自恣法集一處為自恣捷  
度一切皮革法集一處為皮革捷度一切衣  
法集一處為衣捷度一切藥法集一處為藥  
捷度一切迦絺那衣法集一處為迦絺那衣  
捷度二律并一切捷度調部毗尼增一都集  
為毗尼藏時大迦葉即作白大德僧聽若僧  
時到僧忍聽僧今問阿難法毗尼白如是時  
阿難即復作白大德僧聽若僧時到僧忍聽  
僧今令大迦葉問我荅白如是大迦葉即問  
阿難言梵動經在何處說增一在何處說增

十在何處說世界成敗經在何處說僧祇陁  
經在何處說大因緣經在何處說天帝釋問  
經在何處說阿難皆答如長阿含說彼即集  
一切長經為長阿含一切中經為中阿含從  
一事至十事從十事至十一事為增一雜比  
丘比丘尼優婆塞優婆夷諸天雜帝釋雜魔  
雜梵王集為雜阿含如是生經本經善因緣  
經方等經未曾有經譬喻經憂婆提舍經句  
義經法句經波羅延經雜難經聖偈經如是  
集為雜藏有難無難繫相應作處集為阿毗  
曇藏時即集為三藏時長老富羅那聞王舍  
城五百阿羅漢共集法毗尼即與五百比丘

俱往王舍城至大迦葉所語如是言我聞大  
德與五百阿羅漢共集法毗尼我亦欲豫在  
其次聞法時大迦葉以此因緣集比丘僧為  
此比丘更問優波離乃至集為三藏如上所  
說彼言大德迦葉我盡忍可此事唯除八事  
大德我親從佛聞憶持不忘佛聽內宿內者  
自煮自取食早起受食從彼持食來若雜菓  
若池水所出可食者如是皆聽不作餘食法  
得食大迦葉答言實如汝所說世尊以穀貴  
時世人民相食乞求難得慈愍比丘故慮此  
八事時世還豐熟飲食多饒佛還制不聽彼  
復作是言大德迦葉世尊是一切知見不應

制已還開開已復制迦葉答言以世尊是一  
切知見故宜制已還開開已復制富羅那我  
等作如是制是佛所不制不應制是佛所制  
則不應却如佛所制戒應隨順而學在王舍  
城五百阿羅漢共集法毗尼是故言集法毗  
尼有五百人

第四分七百結集毗尼四

亦時世尊般涅槃後百歲毗舍離跋闍子比  
丘行十事言是法清淨佛所聽應兩指抄食  
得聚落間得寺內後聽可得常法得和得與  
鹽共宿得飲闍樓羅酒得畜不割截坐具得  
受金銀彼於布薩日檀越布施金銀而共分

之時有耶舍伽那子聞毗舍離比丘行如是  
事即往跋闍子比丘所見勸檀越布薩時布  
施衆僧金銀僧中唱令與伽那子比丘即言我  
不受何以故沙門釋子不應受取金銀沙門  
釋子捨棄珠寶不著飾好彼於餘日作分已  
送與伽那子比丘伽那子比丘言我不須我  
先言沙門釋子捨棄珠寶不著飾好彼即言  
毗舍離優婆塞瞋汝往教化令喜時即差使  
共往耶舍伽那子比丘至毗舍離優婆塞所  
語如是言汝實瞋我語耶我言沙門釋子不  
得受取金銀棄捨珍寶不著飾好語優婆塞  
言世尊在王舍城時王宮中王群臣集說如

是語沙門釋子應得受取金銀不捨珠寶非  
不著飾好時彼衆中有大長者家珠髻語諸  
大臣言勿作是言沙門釋子受取金銀不捨  
珠寶非不著飾好何以故沙門釋子不應受  
取金銀棄捨珠寶不著飾好時珠髻長者爲  
諸大臣解說各令得解歡喜珠髻長者後於  
異時往世尊所頭面禮足却坐一面以先因  
緣具白世尊言我即爲解說各令歡喜世尊  
我說是言將無違失聖旨不如法教耶佛言  
長者如汝所說如法如實不違世尊教法何  
以故沙門釋子不應受取金銀除捨珠寶不  
著飾好其有受取金銀者則受五欲若受五

欲則非沙門釋子法。長者汝若見沙門釋子  
捉持金銀，決定應知非沙門法。耶我作是說  
聽爲竹筲草木，故求乞金銀，終不應自受取  
金銀。是故離奢，以此因緣沙門釋子不應受  
取金銀。棄捨珠寶，不著飾好，離奢復於異時  
世尊在祇洹中告諸比丘有四事故。令日月  
不明，何等爲四？阿脩羅烟雲霧塵，是爲四事。  
今日月不明，如是沙門婆羅門亦有四事。汚  
染塵穢，令沙門婆羅門無有光顯，何等四？或  
有沙門婆羅門飲酒，不能除斷，此是第一塵。  
穢，或有沙門婆羅門行愛欲法，不能捨離，此  
是第二塵。穢，或有沙門婆羅門受取金銀，不

捨飾好此是第三塵穢或有沙門婆羅門以  
邪命自活不能除斷此是第四塵穢是為四  
事以此四事故令沙門婆羅門汚穢不明無  
有光顯世尊亦時即說偈言

貪欲垢所汚

沙門婆羅門

愚癡所覆蓋

愛著於好色

飲酒散亂心

彼行愛欲法

受取金寶瓔

此為無智者

沙門婆羅門

邪命以自活

佛說此為結

如日生雲翳

無光顯威耀

不淨純垢汚

盲冥闇所閉

愛欲之所使

造惡不善業

癡何能行道

怨憎甚增益

更受未來身

是故離奢以此因緣故汝等當知沙門釋子

不應受取金銀除去飾好我說是語汝以此  
事不信我耶彼離奢言我非爲不信我有信  
樂於汝汝可住此毗舍離我當供給衣服飲  
食醫藥所須之物時伽那子比丘與諸離奢  
解說今得歡喜已與彼使比丘俱還婆闍子  
比丘所遙見伽那子比丘來即問使比丘言  
伽那子比丘已解喻諸離奢得信耶荅言介  
即言彼已信樂伽那子持我等非沙門釋子  
婆闍子比丘問言何故耶即具說先因緣彼  
毗舍離比丘語伽那子比丘言汝先罵衆僧  
見罪不荅言我不罵衆僧彼即和合與作舉  
伽那子比丘作是念我此諍事若得長老離

婆多與我作伴者便可得如法滅彼即問餘  
人言離婆多在何處彼即荅言聞在婆呵河邊即往  
婆呵河邊離婆多不在彼即問離婆多在何處  
彼即荅言聞在伽那慰闍國即往彼國既至  
離婆多復不在復問離婆多在何處荅言在  
阿伽樓羅國即往彼國而復不在即問離婆  
多在何處荅言在僧伽賒國即復往彼國見  
離婆多值衆僧集問離婆多供養弟子言汝  
大德長老離婆多往衆僧中不荅言當往時  
離婆多往集僧中聽說法已夜半後捉尼師  
檀還屋時耶舍伽那子亦在僧中集聽法已  
夜半後捉尼師檀往離婆多所彼作是念今

正是時當具說先因緣今其得聞彼即問離  
婆多言大德上座得二指抄食不彼還問言云  
何二指抄食荅言大德長老足食已捨威儀  
不作餘食法得二指抄食食離婆多言不應  
尔問言在何處制荅言在舍衛國不作餘食  
法食以是故制復問言大德長老得村間不  
彼還問言云何得村間荅言大德長老足食  
已捨威儀不作餘食法兩村中間得食離婆  
多言不應尔問言在何處制荅言在舍衛國  
不作餘食法食以是故制彼問言大德長老  
得寺內不彼還問言云何得寺內荅言大德  
長老在寺內得別衆羯磨離婆多言不應尔

問言在何處制答言在王舍城布薩捷度中  
制大德長老得後聽可不還問言云何得後  
聽可答言大德長老在界內別衆羯磨已聽  
可離婆多言不應尔問言在何處制答言在  
王舍城布薩捷度中制復問得常法不還問  
言云何得常法答言大德長老此作是已言  
是本來所作彼答言比丘知不應觀脩多羅  
毗尼檢校法律若不觀毗尼不檢校法律而  
違反於法若已作不應作未作亦不應作若  
觀修多羅毗尼檢校法律與修多羅與法律  
相應不違本法若已作若未作應作復問言  
大德長老得和不彼還問言云何得和答言

大德長老足食已捨威儀以蘇油蜜生蘇石  
蜜酪和一處得食不荅言不應尔問言在何  
處制荅言在舍衛國不作餘食法食以是故  
制復問言大德長老得與鹽共宿不彼還問  
言云何得與鹽共宿荅言大德長老得用共  
宿鹽著食中食荅言不應尔問言在何處制  
荅言在舍衛國藥捷度中制復問大德長老  
得飲闍樓羅酒不荅言不應尔問言在何處  
制荅言在拘睢彌國因長老娑伽陁比丘制復  
問大德長老得畜不割截坐具不荅言不應  
畜問言在何處制荅言在舍衛國因六群比  
丘制復問大德長老得受取金銀不荅言不

應尔問言在何處制荅言在王舍城因跋難  
隨釋子制彼言大德長老毗舍離婆闍子比  
丘行此十事言清淨如法是佛所聽彼勸檀  
越於布薩時施衆僧金銀令分彼言  
汝莫語餘人何以故恐諸比丘所見不同而  
不與和合比丘汝可往阿呬恒河山中彼處  
有三浮陁比丘是我同和上與六十波羅離  
子比丘共住彼皆勇猛精進度無所畏以此  
因緣具爲彼說已共期婆呵河邊我亦當往  
時耶舍伽那子比丘即往彼山中至三浮陁  
所以此因緣具向彼說之期婆呵河邊大德  
離婆多亦當來時毗舍離婆闍子比丘聞耶

舍伽那子比丘往人間求索伴黨彼即大持  
毗舍離好衣往離婆多弟子所語言我爲大  
德離婆多故持此好衣來與今止不復與即  
迴與汝可取彼言止止我不受彼復勤勤逼  
令受彼遂便受既受已作是言長老波夷那  
波梨二國比丘共諍世尊出在波夷那國善  
哉長老能爲我白大德上座波夷那波梨二  
國比丘共諍世尊出在波夷那國善哉大德  
當助波夷那比丘彼即荅言大德長老離婆  
多尊重我難不敢言彼即強逼之不已便往  
離婆多所白如是言大德彼波夷那波梨二  
國比丘共諍世尊出在波夷那願大德助波

夷那比丘彼即荅言汝癡人持我在不淨部  
中汝去不復須汝彼得遣已便往毗舍離婆  
闍子比丘所語如是言長老我先語汝大德  
離婆多尊重難可爲言我不堪語今大見責  
彼問言說何等彼言已遣我復問言汝幾臆  
荅言十二歲問言汝十二歲猶故怖畏遣耶  
荅言不受我供養云何不畏時彼離婆多及  
諸比丘如是語我等今當往諍所起處即乘  
船從恒水中往時天熱疲極任船在岸邊蔭  
下息時婆搜村有長老在道行作如是念我  
今此諍事當觀修多羅毗尼知誰法語誰非  
法語彼即觀修多羅毗尼檢校法律便知波梨

國比丘是法語波夷那比丘非法語時有天  
不現身而讚言善哉善男子如汝所觀波梨  
比丘如法語波夷那比丘非法語時諸長老  
即共往毗舍離毗舍離有長老字一切去是  
閻浮提中最上座時三浮陁語離婆多言今  
往一切去上座屋中宿共說此事令其得聞  
時二人即共相隨往至彼屋時一切去長老  
夜坐禪思惟夜已久離婆多作是念此上座  
年已老氣力羸劣而久坐如是況我當不作  
如是坐時離婆多即便坐思惟至夜久一切  
去長老作是念此客比丘遠來疲極猶故坐  
禪思惟如是況我而不久坐時彼長老即復

久坐思惟夜已過多語離婆多言長老汝此  
夜思惟何法荅言我先白衣時常習慈心此  
夜思惟入慈三昧彼即言汝此夜入小定何  
以故慈心三昧是小定即復問言大德一切  
去此夜思惟何法荅言我先白衣時習空法  
我此夜多入空三昧彼言大德此夜思惟大  
人之法何以故大人之法入空三昧彼作是  
念今正是時可說先因緣令其得知彼問言  
大德長老得二指抄食不問言云何得二指  
抄食荅言大德足食已捨威儀不作餘食法  
得二指抄食食荅言不應尔問言在何處制  
荅言在舍衛國不作餘食法以是故制如是

一一說乃至布薩受取金銀令分物人分如上說彼即言勿語餘人恐人心不同不得和合一切去上座爲第一上座三浮那第二上坐離婆多第三上座婆搜村是第四上座阿難皆爲其和尚時長老一切去知僧事時上座即作白次德僧聽若僧時到僧忍聽今僧論法毗尼白如是時波夷那比丘語波梨比丘言汝等今可出平當人彼即言上座一切去離婆多耶舍蘇曼那是平當人波梨比丘語波夷那比丘言汝等亦應出平當人彼即言長老三浮陀婆搜村長老沙留不闍蘇摩是平當人是中有阿夷頭比丘堪任勸化彼

諸比丘言持此比丘在數中何以故彼在所  
處當爲我等勸化即著數中彼諸上座作是  
念我等若在衆中問此事恐更生餘諍事不  
知誰語是誰語非我等今寧可差次在別處  
共平論耶彼諸長老作是念我等於何別處  
而平誼此事即言當於婆梨林中時一切去  
長老即作白大德僧聽如此爲僧所舉比丘  
若僧時到僧忍聽於婆梨林中論法毗尼餘  
比丘不在中白如是如是作白已應羯磨差  
二三比丘取餘比丘欲至婆梨林中時一切  
去上座以此因緣集比丘僧如是諸上座皆  
集時一切去上座即作白人德僧聽若僧時

到僧忍聽今僧論法毗尼白如是時離婆多  
即作白大德僧聽若僧時到僧忍聽僧今問  
一切去上座法毗尼白如是時上座一切去  
即復作白大德僧聽若僧時到僧忍聽僧今  
令離婆多問我荅法毗尼白如是離婆多問  
言大德上座得二指淨不即還問言云何二  
指淨荅言大德長老足食已捨威儀得二指  
抄食食荅言不應尔問言在何處制荅言在  
舍衛國不作餘食法食以是故制此是第一  
事非法非毗尼非佛所教別處平誼已下一  
舍羅如是一一檢校乃至十事非法非毗尼  
非佛所教皆下舍羅彼諸長老作是語如我

等今於別處平誼此事已今復欲於僧中如是檢校何以故令衆人皆知故彼諸長老皆往毗舍離時一切去上座即集比丘僧已作白大德僧聽若僧時到僧忍聽僧今論法毗尼白如是長老離婆多即作白大德僧聽若僧時到僧忍聽僧今問一切去上座法毗尼白如是時一切去上座即作白大德僧聽若僧時到僧忍聽僧今令離婆多問法毗尼我答白如是離婆多即問言大德長老得二指淨不彼問言云何得二指淨答言大德長老足食已捨威儀不作餘食法得二指抄食食答言不應尔問言在何處制答言在舍衛國

不作餘食法食是故制此是第一事非法非  
毗尼非佛所教於僧中檢校已下一舍羅如  
是一一檢校乃至十事非法非毗尼非佛所  
教於僧中檢校已皆下舍羅在毗舍離七百  
阿羅漢集論法毗尼故名七百集法毗尼具  
足竟

四分律藏卷第五十四 第四分第五卷 隨

疊音宛轉上紆反迦下締丑鹽字毘一訶阿吁  
下兄誼義音



